

**STATUTAS  
DALL'UNIUN**

**PRO  
IDIOMS**

**Versiun amplificada a caschun dalla radunonza generala  
dils 14. da settember 2016**

La fuorma masculina utilisada vala per um e dunna.

## **1. Num e sez**

La PRO IDIOMS ei ina societad el senn digl artechel 60 suandont al cudisch civil svizzer. La societad ei politicamein e confessionalmein neutrala. Siu domicile i il liug dil parsura en uffeci.

## **2. Finamira**

Mantener e promover ils idioms en scola cun mieds d'instrucziun idiomatics.

## **3. Commembradi**

Commember dalla PRO IDIOMS Surselva san persunas naturalas naven da 16 onns, persunas giuridicas e vischnaucas daventar.

La suprastonza ei cumpetenta per la recezziun da commembers. Ils nums da commembers vegnan publicai mo cun lur consentiment.

## **4. Duers**

Mintga commember s'engascha per las finamiras numnadas egl artechel 2 en quellas statutas.

## **5. Dretgs**

Mintga commember ha il dretg da vegnir elegius en suprastonza ni sco revisur da quen. Mintga commember ha il dretg da vuschar.

## **6. Organs**

Ils organs ein :

- a) La radunonza generala
- b) La suprastonza
- c) Ils revisurs da quen

## **7. La radunonza generala**

Igl organ il pli ault dalla PRO IDIOMS ei la radunonza generala. La radunonza generala vegn organisada tenor basegns.

## **8. La suprastonza**

La suprastonza secumpona da 7 commembers

- a) president
- b) vicepresidente / actuar
- c) cassier
- d) 4 assessurs

La suprastonza representa la societad PRO IDIOMS anoviars e meina las activitads currentas.



## **9. Ils revisurs da quen**

La radunonza enquera dus revisurs da quen che controlleschan tuttas activitads finanzialas e rapportan davart il quen annual a caschun dalla radunonza generala.

## **10. Suttascripziuns**

Il president ha il dretg da suttascripziun collectiv ensemen cun in auter commember dalla suprastanza.

## **11. Responsabladad en cass da sperdita**

Per pagar deivets vegn la facultad dalla societad tratga a nez. Ina responsabladad persunala pertuccont eventuels deivets ei excluda.

## **12. Midadas da statutas**

Quellas statutas san vegnir midadas, sche la maioritad dils commembers ch'ei presents alla radunonza generala approbeschan ina midada.

## **13. Dissoluziun dalla societad**

En cass che la societad vegn sliada, decida la radunonza generala surda la facultad dalla PRO IDIOMS.

## **14. Entrada en vigur**

Las statutas vegnan approbadas alla radunonza da fundaziun dils 4 da fevrer 2011 ed ein naven da quei datum valeivlas.

Il president:

Heinrich Berther

Igl actuar:

Conradin Caduff